

Pentatomidae et Reduviidae novae africaneae.

descripsit H. Schouteden (Brüssel).

F. Pentatomidae.

Erthesina Distanti sp. n.

Ovalis, flavo-straminea, dense fusco-vel nigro-punctata; abdomine ferrugineo-castaneo. Caput thorace longius, dense confluatimque nigro-punctatum; jugis tylo aequilongis, marginibus reflexis, leviter sinuatis, anguste nigricantibus; lobo medio nigro, vitta longitudinali media flava, per totum caput, thoracem scutellumque continuata, ornato; macula utrinque pone oculos nigra; subtus ferrugineo-nigrum, marginibus flavis. Bucculae basin capitinis attingentes, flavo-ferrugineae. Rostrum basin segmentis sexti ventris superans; articulo primo bucculas aequante, secundo tertio breviore coxas intermedias haud attingente, tertio omnium longissimo segmentum quartum ventrale attingente. Tubercula antennifera a supero distinguenda. Antennae nigrae, articulo primo capitinis apicem haud attingente, secundo tertio breviore, tertio quarto paullo longiore, quinto secundo subaequali et quarto breviore. Pronotum marginibus lateralibus et antico vittaque media longitudinali levigatis; marginibus lateralibus anticis crenulatis, angulis lateralibus vix prominentibus, obtusis, infuscatis; vitta laterali intramarginali nigro-punctata. Pectus fusco-vel nigro-ferrugineum, margine postico cum coxis trochanteribusque flavescentibus; orificiis elevatis, rubro-sanguineis. Femora ferruginea; tibiae fusco-nigrae, triquetrae sulcatae, posticae leviter dilatatae; tarsi nigri. Scutellum pone medium utrinque sinuatum, basi medio et in angulis lateralibus macula parva nigra instructum, vitta longitudinali media pallida; frenis ultra medium extensis. Hemelytra maculis nonnullis subrotundatis irregularibus levigatis pallidis, maculaque parva rotunda pone medium posita laevi nigra ornata; margine costali basi levigato. Membrana subhyalina, albida, basi nigra, maculis minutis in venis positis signata. Abdomen dorso fusco-ferrugineo; ventre ferrugineo-castaneo, lateribus fuscis, sulcato, sulco ad segmentum sextum extenso; connexivo fusco, segmentis basi et apice flavescentibus. ♂. Long. 22 mm.

Africa orientalis: Ikuta (coll. Schouteden).

Myrochea distincta sp. n.

Griseo-straminea, dense fusco-punctulata. Caput thorace brevius, apice rotundatum; lobis lateralibus lobo medio longi-

oribus, antice contiguis; marginibus lateralibus explanatis, acutis, rotundatis, paullo reflexis, sublevigatis angusteque nigricantibus. Ocelli inter se quam ab oculis paullo longius remoti. Bucculae basin capitinis subattingentes. Rostrum ad coxas posticas extensem, articulo primo bucculas subaequante, secundo tertio et quarto simul sumtis breviore, tertio quarto longiore. Antennae articulis duobus ultimis fuscis, articulo primo apicem capitis haud attingente, secundo tertio distinete longiore, quarto secundo subaequali, quinto omnium longissimo. Pronotum margine antico profunde inciso, marginibus lateralibus anticis explanatis, leviter sinuatis, pallidis, posterius ante angulos laterales dente brevi obtuso instructis; vitta intramarginali nigro-punctata, vitta media vittaque laterali obsoletis pallidioribus. Serna sulcata. Pectus griseo-stramineum, vitta laterali dense nigro-punctata; maculis tribus parvis ad coxas positis nigris. Femora parte postica fusco-nigro-punctata, excepto annulo anteapicali; subtus vix spinulosa, apice superne spina brevi armata; tibiae triquetrae sulcatae, apice leviter infuscatae. Scutellum utrinque pone medium sinuatum; infuscatum, exceptis marginibus lateralibus vittaque longitudinali media; frenis longe ultra medium extensis. Corium margine exteriore pallidiore. Membrana hyalina, venis infuscatis. Venter disco parcus punctulato, vitta laterali nigro-punctata, spiraculis nigris; segmentis tertio et quarto basi medio utrinque, sexto medio, nigricantibus; connexivo immaculato. ♀. Long. 13 mm.

Species a *M. aculeata* Westw. (quam e Senegal accepi) colore denteque thoracis obsoleto bene distincta.

Congo: Katango (coll. Schouteden).

Caura insignis sp. n.

Corpus late ovale, subtus modice convexum.

Caput planum, subtriangulare, apice rotundatum, dense distineteque punctatum; lobis fere aequilongis, marginibus lateralibus acutis, sinuatis; tuberculis antenniferis a supero distinctis; supra viridi-aeneum, saepe coeruleo-indutum, subtus flavochraceum vel cinnabarinum. Bucculae concolores, basin capititis haud attingentes. Rostrum ultra coxas posticas extensem, articulo primo bucculis longiore, secundo coxas medias attingente, duabus apicalibus ad unum longiore, tertio quarto subaequali. Antennae obscure viridi-aeneae, articulis duobus ultimis nigricantibus; artienlo primo capitis apicem subattingente, secundo

et tertio subaequilongis vel secundo tertio paullo breviore, quarto tertio longiore, quinto quarto subaequali vel paullo breviore. Pronotum sexangulare, marginibus lateralibus anticis acutis, leviter reflexis, dense punctatum; linea elevata longitudinali media sat soleata laevigata; viridi-aeneum, coeruleo-indutum, marginibus lateralibus anticis interdum anguste flavo-vel cinnabarino-marginatis. Sterna carinata. Pectus parce punctatum, flavo-ochraceum vel cinnabarinum, maculis magnis ad coxas, maculis duabus utrinque pro- et mesostethii, una metastethii, viridi-aeneis vel-coeruleis. Orifia in sulco prolongata, in macula nigra posita. Scutellum pone medium sinuatum, frenis ultra medium extensis, dense distinque punctatum, colore pronoti. Hemelytra ejusdem coloris, ab domine angustiora; corio margine interno apicem scutelli subaequante, margine apicali subrecto, obliquo; membrana nigra. Venter flavo-ochraceus vel cinnabarinus, segmentis 2—6 utrinque maculis magnis transversis duabus una basali altera apicali, hac saepe medio divisa, maculaque transversa media basali medio incisa vel divisa, viridi-aeneis vel-coeruleis. Segmentum genitale maris macula basali nigro-viridi ornatum, feminae immaculatum. Connexivum flavo-ochraceum vel cinnabarinum, immaculatum. Dorsum flavo-ochraceum vel cinnabarinum. Long. 14—15 mm. ♂♀.

Kamerun: Sananza (coll. Schouteden).

Stenozygum bicolor sp. n.

Ovatum nitidum. Caput obscure coeruleum, basi medio punctatum, marginibus lateralibus jugarum antice flavescentibus; lobis subaequilongis, tylo antrorsum angustato, jugis marginibus sinuatis et reflexis; oculis prominentibus. Bucculae flavescentes, percurrentes. Rostrum ad coxas posticas extensem, articulo primo bucculas subaequante, secundo duobus sequentibus ad unum breviore, his aequilongis. Antennae nigro-coeruleae, articulo primo capitidis apicem attingente, secundo primo paullo longiore, tertio secundo multo longiore. Pronotum sexangulare, angulis posticis obtusis, marginibus lateralibus anticis marginique antico reflexis; obscure coeruleum, limbis lateralibus, anticis anticoque, vitta ne lata sublevigata medio percurrente, pallide flavescentibus; lobo antico laevi, impressionibus duabus transversis irregularibus, medio vitta illa percurrente interruptis, instructo; lobo postico punctis conspicuis seriebus transversis irregularibus dispositis, ornato. Pectus pallide flavescens, fascia

laterali utrinque maculaquē rotundata media ante coxas medias obscure cœruleis. Pedes pallide flavescentes, parte dimidio apicali femorum (excepta macula superiore rubra apicali), parte basali apiceque imo tibiarum, tarsisque, nigro-cœrulei. Scutellum basi gibbosum, apice angustatum, lateribus sinuatis, frenis ultra medium extensis; obscure cœruleum, vitta media percurrente, apice effusa totamque latitudinem occupante, flavescente. Heme-lytra obscure cœrulea, punctulata, angulo humerali maculaque subapicali transversa (apicem scutelli versus) triangulari (ad marginem externum latiore), pallide flavescentibus. Membrana obscure cœrulea, limbo albicante. Venter flavesiens, levigatus, fascia laterali segmentorum 1—5 nigro-cœrulea (margine postico segmentorum anguste flavescente); segmento sexto vitta transversa nigro-cœrulea, postice utrinque sinuata, cum fasciis lateralibus conjuncta, ornato; segmento anali flavescente. Dorsum abdominis flavo-rufescens, segmentis ultimis leviter infuscatis. Connexivum flavesens. ♀. Long. 10 mm. Species facillime distinguenda.

Congo: Mayumbe (legit Cabra) (Musée de l'Etat Indépendant du Congo).

Stenozygum decoratum sp. n.

Corpus ovale, nitidum. Caput planiusculum, parce punctatum, nigro-violaceum, vitta angusta media longitudinali flavescente; jugis tylo paullo longioribus, antice contiguis, marginibus sinuatis, reflexis, oculis prominulis; ocellis ad oculos positis. Bucculae percurrentes, flavo-limbatae. Rostrum coxas posticas attingens, articulo secundo tertio longiore, hoc quarto subaequali. Antennae concolores, articulo primo apicem capitis subattingente, secundo tertio distinete breviore (ceteri articuli desunt). Pronotum sexangulare, angulis posticis obtusis, marginibus lateralibus anticis leviter sinuatis, simul cum antico reflexis; spatio transverso antico laevi impressione linearis circumscripto; nigro-violaceum, nitidum, parce punctatum, marginibus lateralibus posticis et anticis (his apice excepto) flavescentibus; vitta media percurrente, medio coarctata, flavescente, anterius rubra; maculis quatuor flavescentibus parvis, duabus marginis antici, duabus ante impressionem transversam positis. Pectus violaceo-nigrum, medio flavescentia, lateribus prostethii (apice excepto) late flavescentibus. Pedes nigri, coxis, trochanteribus basique femorum flavescentibus. Scutellum apice angu-

statum, lateribus sinuatis, frenis ultra medium extensis; nigro-violaceum, apice maculisque tribus basalibus, una ad angulos basales alisque media, flavescentibus, macula majore fere media, ad sinum posita, subtrapezoidali, flavo-rufescente. Hemelytra violaceo-nigra, nitida, punctata, margine costali basi, maculisque duabus disci flavescentibus, una partis basalis subovali, altera transversa pone maculam apicalem scutelli. Abdomen nigrum, nitidum; disco ventris flavescente, segmentisque ad marginem lateralem late rubro-flavoque-limbatis; connexivo nigro, subtus angulo apicali segmentorum, supra parte postica toto flavescente. Long. 6·5—7·5 mm.

Africa orientalis: Ikuta (coll. Schouteden).

Leptolobus eburneatus var. **thoracicus** var. n.

Caput concavum, corallinum, nitidum; lobis lateralibus lobo medio longioribus, apice haud contiguis, valde dilatatis, foliaceis, parce punctatis; oculis nigris, sat prominentibus; ocellis inter se quam ab oculis longius remotis. Bucculae elevatae, postice angulatim conjunctae, violaceo-nigrae. Rostrum cœruleo-nigrum, ad coxas intermedias extensum, articulo primo crasso, secundo omnium longissimo, quarto tertio longiore. Antennæ cœruleo-nigrae, articulo basali (apice imo excepto) corallino, articulis secundo et tertio subaequilongis, quarto his longiore. Pronotum violaceo-nigrum, remote punctatum, medio constrictum; lateribus convexis, marginibus ruga subtili instructis, integris; lobo antico convexo, postico vix dimidio angustiore; disco interdum corallino; angulis lateralibus lobi postici in spina longa extrorsum et subsursum vergente productis. Mesostethium postice flavescens. Pedes violaceo-nigri, coxis flavescentibus; femoribus supra vitta flavescente percurrente ornatis, anticis apicem versus spinæ armatis; tibiis triquetris anticis pone medium spina brevi instructis; tarsis articulo secundo brevissimo, tertio primo breviore. Scutellum rugoso-punctatum corallinum, tertia parte basali violaceo-nigra (interdum obsolete); carina levigata basi obsoleta instructum; frenis ultra medium extensis. Hemelytra opaca, corallina, macula majuscula transversa media a margine costali ad clavum extensa nigra; limbo apicali flavescente; area costali punctata. Membrana violaceo-nigra, limbo angusto externo flavescente. Abdomen subtiliter punctulatum, corallinum, segmento sexto anque violaceo-

nigris; connexivi segmentis margine apice obtuse nigro-tuber-
culatis, basi violaceo-fuscis. Long.: 13—15 mm.

A *L. eburneato* Karsch scutello basi nigro-violaceo, a *L. Murrayi* Sign. et *L. zanzibarico* Bd. pronoto nigro-violaceo,
facile distinguendus.

Congo: Lenghi, Lukula (legit Cabra) (Musée de l'Etat
Indépendant du Congo; coll. Sceldroyers, coll. Schouteden).

Aspongopus ephippiatus (Bergroth in litt.) sp. n.

Late ovatus. Caput parviusculum, nigrum, opacum; lobis
lateralibus tylo longioribus, latis, subfoliaceis, sinuatis. Bucculae
elevatae, foliaceae, subsemicylindrica, ferrugineae. Rostrum
coxas medias subattingens, articulo primo bucculas longe supe-
rante, secundo basin mesosterni attingente, duobus sequentibus
ad unum vix breviore. Antennae nigrae, quinque-articulatae,
articulo secundo brevissimo, tertio et quarto depresso, quinto
tertio fere aequali, quarto tertio fere tertia parte breviore.
Pronotum lateribus extus curvatis, foliaceis, leviter reflexis;
angulis lateralibus obtusis; fusco-piceum, aeneo-indutum, antice
(ab angulis lateralibus) late fusco-ferrugineo limbatum. Scutel-
lum fusco-piceum, aeno-indutum, macula minuta ochracea media
marginis basalis, alteraque plerumque obsoleta apicali. Sterna
sulcata. Pectus fusco-ferrugineum, vitta laterali nigra. Pedes
piceo-nigri vel nigri opaci, coxis fusco-ferrugineis, unguiculis
piceis; femoribus spinosis, tibiis superne sulcatis. Hemelytra
fusco-picea, aeneo-induta, basi externe late ferrugineo-limbata.
Venter fusco-piceus, spiraculis maculisque numerosis parvis
nigris, seriebus longitudinalibus lateralibus et mediis dispositis,
interdum confluentibus, nigris; connexivo ferrugineo. ♂♀. Long.:
16—19 mm.

Species Asp. *Distanti* Leth.-Sev. affinis.

Congo: Stanley-Falls (Malfeyt), Stanleyville 6. I. 1899
„in herbis“ (legit Duchesnes) (Musée Royal D'Histoire Naturelle
de Bruxelles, Musée de l'Etat Indépendant du Congo, coll.
Schouteden). Doct. Bergroth specimina e Guinea superiore vidit.

Melampodius Westwoodi sp. n.

Griseo-flavescens, dense fusco- vel nigro-punctatus, sat
rugosus, interdum capite parteque antica pronoti fere totis nigris.
Caput dilatum, foliaceum, marginibus leviter sinuatis; lobis
lateralibus lobo medio multo longioribus, sursum reflexis, apice
distantibus, ocellis ad oculos valde approximatis. Bucculae ele-

vatae, rotundatae. Rostrum coxas anticas superans, articulo primo brevissimo, secundo magna parte bucculis occulto, tertio omnium longissimo. Antennae supra infuscatae, articulo ultimo, basi excepta, nigricante; articulo primo dimidium jugarum aequante, secundo tertio breviore, quarto tertio subaequali, vel secundo, tertio et quarto subaequilongis, quinto omnium longissimo, paullo incrassato. Pronotum angulis lateralibus antrorsum et sat sursum longe robusteque productis, processibus apice oblique truncatis, marginibus denticulatis; ruga lata transversa inter processus laterales ducta laevi flavescente; parte anteriore rugosa, ante rugam transversam medio ante basin scutelli nigricante maculis quatuor parvis serie transversa dispositis flavescentibus; parte postica vittula longitudinali media levigata flavescente interdum ornata. Metastethium macula laterali nigrocyanea vel nigricante plerumque notatum. Pedes fusco-variegati et punctati; tibiis triquetris, sulcatis, anticis pone medium spinula obsoleta instructis; tarsis articulo primo secundo et tertio simul sumtis breviore. Scutellum medio utrinque sinuatum; parte media dilutius punctata; basi medio et ad angulos laterales maculis tribus parvis callosis pallidis. Hemelytra infuscata, maculis nonnullis levigatis parvis maculaque pone medium distinctiore flavescentibus ornata. Membrana subhyalina, punctis numerosis fuscis. Venter plus minusve fusco-variegatus; conexivi segmentis basi et apice fuscis vel nigris. Long.: 14—15 mm.

A *Mel. cervicorni* Westw., cuius specimen typicum, a Distanto nuper examinatum, species haec bene distincta.

Congo: Luluabourg (legit P. Janssens), Mayumbe (legit Cabra) (Musée Royal d'Histoire Naturelle de Bruxelles, Musée de l'Etat Indépendant du Congo, coll. Schouteden).

F. Reduviidae.

Centraspis insignis sp. n.

Caput ovatum, convexum, nigro-violaceum, obsolete transversim strigosum, paullo pone oculos subito coaretatum, subtusque utrinque inflatum; ocellis in parte elevata positis. Rostrum crassum, articulo primo secundo paullo breviore, nigrum. Antennae obscure nigro-violaceae, articulis 3—6 flavescentibus, quarto basi sextoque toto infuscatis; articulo primo capite breviore, secundo primo fere duplo longiore; articulis quatuor ultimis gracilioribus, sexto quarto subaequilongo, quinto sexto

paullo longiore et tertio breviore, hoc primo breviore. Thorax nigro-violaceum, angulis posticis lateralibus fuscis (an semper?); pronotum ante medium constrictum, impressione profunda media a margine antico fere ad marginem posteriorem extensa instructum; lobo postico obsolete transversim strigoso. Scutellum apice latissimum, quadrimucronatum, mucronibus duobus lateralibus robustis arcuatis, duobus mediis parvis, tuberculiformibus; nigro-violaceum, basi nigrum opacum, parte apicali (cum mucronibus mediis) inter mucrones laterales flava. Pedes nigro-violacei, femoribus anticis leviter incrassatis, tibiis apice tarsisque rufo-pilosis, tarsis fuscis; fossa spongiosa tibiarum anticarum fere quartam partem occupante. Hemelytra membranaque nigra, opaca. Abdomem obscure nigro-violaceum; segmentis 1—5 fascia transversa media flava, medio et utrinque ante spiracula interrupta, his flavescentibus; margine laterali segmentorum omnium ventris medio, fasciaque media segmentorum connexivi, flavis.
Long.: 39 mm.

Species notis allatis facile distinguenda. Specimen unicum vidi.

Congo: Lukula (legit Cabra) (Musée de l'Etat Indépendant du Congo).

Hermillus rufipes sp. n.

Niger, plus minusve dense longe nigro-pilosus. Caput ante oculos porrectum, apicem versus deflexum, pone oculos impressione transversa subrecta instructum; parte anteoculari postoculari longiore, parte intraoculari collo latitudine subaequali; parte ocellos ferente elevata, his magnis, ovalibus, obliquis. Bucculae sat elevatae. Rostrum articulo primo a gula distante, secundo subaequilongo. (Antennae desunt). Pronotum medio constrictum; lobo postico ante scutellum truncato, linea longitudinali media impressa, basi obsolete, per partem basalem lobi antici continuata, instructo; marginibus lateralibus carinatis; angulis lateralibus vix prominentibus, rotundatis. Mesosternum carinatum. Tibiae rufescentes, basi infuscatae, pilis sat densis concoloribus; posticae femoribus longiores, anticae fossa spongiosa fere tertiam partem occupante; tarsi rufescentes, articulo primo secundo paullo breviore, tertio secundo multo longiore. Scutellum apice in spinam obtusam, retrorsum vergentem, subreflexam, productum. Corium pone medium macula majuscula subrotundata rufescente ornatum. Membrana nigra. Spiracula

ad marginem exteriorem segmentorum ventris posita. Long.: 26.5 mm.

Ab *H. geniculato* Sign. facillime distinguitur.

Specimen typicum unicum e Kamerun accepi (coll. Schouteden).

Acanthaspis (Tetroxia) affinis sp. n.

Elongato-ovata. Caput longius quam latius, nigrum, opacum; parte ocellas ferente leviter elevata, his ad sulcum transversum inter marginem posticum oculorum ductum positis, sulco longitudinali partis anterioris (ante ocellos) distinctissimo. Rostrum nigrum, articulo primo secundo longiore. (Antennae desunt). Thorax niger, opacus; pronotum ante medium constrictum, lobo antico spinis duabus discoidalibus erectis, lobo postico spinis quatuor (duabus lateralibus, duabus mediis) armato. Scutellum nigrum, opacum, apice spina longa obliqua sursum vergente, apice leviter curvata, armatum. Pedes flavo-testacei, pilosi; basi apiceque femorum tibiarumque nigris; fossa spongiosa tibiarum anticarum circiter tertia parte occupante. Hemelytra flavo-testacea, basi ima fusca; macula fere media submarginali corii (vel latitudinem totam corii occupante) alteraque anguli apicalis exterioris, nigris opacis. Membrana nigra, opaca, venis late testaceo-limbatis. Abdomen nigrum; connexivi segmentis flavo-testaceis, basi fascia nigra ornatis. Long.: 20—21 mm.

Species *Tetr. Beauvoisi* Fairm. affinis (an ejus varietas?) thorace opaco distincta.

Africa orientalis: Skuta (coll. Schouteden). — Congo: Niam-Niam (legit Bohndorff) et Popocabacca (legit Loos) (Mus. Hist. Nat. Belg.).

Phonergates nigritiventris sp. n.

Niger, capite pronoto scutelloque miniatis, obsolete sat dense punctatus. Caput ante oculos sat porrectum, pone oculos utrinque tumescens impressioneque transversa instructum; parte anteoculari postoculari longiore, parte intraoculari collo latitudine subaequali; flavo-ochraceum, macula post impressionem posita nigra, ocellos includente, his parvis rotundatis; parte ocellos ferente leviter elevata. Rostrum nigrum, articulo primo secundo subaequali. Antennae pallidae, articulo secundo basi et apice fusco; articulo primo capitum apicem haud attingente, secundo longissimo, tertio secundo breviore. Pronotum medio

constrictum, strictura medio rugis duabus interrupta, disco impressione longitudinali instructo; flavo-ochraceum, macula utrinque ad rugam posita nigra; lobo antico pilis sparsis nigris; lobo postico ante scutellum truncato; marginibus carinatis, angulis lateralibus rotundatis, vix prominentibus. Pectus nigrum, prostethium lateribus late miniatis, antice tuberculis duobus conicis prominulis instructum. Pedes fusco-nigri vel nigri; femoribus anticis et mediis incrassatis, flavo-ochraceis (basi apiceque exceptis), anticis subtus spinulis nonnullis armatis; tibiis anticis fossa spongiosa ovali, circiter quartam partem occupante. Scutellum miniatum, apice retrorsum productum, paullo longius quam latius. Hemelytra cum membrana nigra, opaca. Venter remote distineteque punctulatus; spiraculis in medio segmentorum et ad marginem exteriorem positis. Long.: 15 mm.

Phon. basilico Stål proximus, colore facillime distinguitur.
Congo: Moliro (coll. Sceldrayers et Schouteden).

Phonergates distinguendus sp. n.

Phonerg. bicoloripedi Stål affinis, differt lobo antico pronoti parce punctato, postico densius, pedibusque omnibus cinnabarinis.

Corpus oblongo-ovatum, obscure coeruleum. Caput parte anteoculari postoculari longiore; parte ocellos ferente leviter elevata, his inter se quam ab oculis fere aequae remotis. Rostrum articulo primo secundo breviore, hoc tertio multo longiore. Antennae articulo primo capitidis apicem fere attingente, secundo primo plus quam triplo longiore, tertio et quarto subaequilongis, secundo brevioribus. Pronotum ad medium constrictum, disco longitudinaliter impresso; lobo antico parce, postico densius punctato; prostethio antice tuberculis duobus paullo prominulis instructo. Scutellum apice retrorsum leviter curvatum. Pedes omnes dilute cinnabarinii, coxis basique femorum fuscis, apice femorum tibiarumque et tarsis infuscatis. Hemelytra cum membrana nigra, opaca. Abdomen parce punctatum, obscure coeruleum. ♂. Long.: 16 mm.

Congo: Niam-Niam (legit Bohndorff) (Musée Royal d'Histoire Naturelle de Bruxelles, coll. Schouteden).

Argolis (Caunus) Bergrothi sp. n.

Corpus elongatum, nigro-cinereum. Caput subcylindricum, parte anteoculari postoculari cum oculo dimidio fere longiore; parte anteoculari marginibus seriebusque quinque superioribus

granulis minutis instructis; parte postoculari granulis multi-seriatis, tuberculis duobus posticis superioribus magnis, retrorsum et sursum vergentibus (Caput a latere visum capiti *Arg. farinatoris* Reut. (Monogr. Oncoc., tab. III., fig. 55) sat similis). Rostrum nigrum, articulis duobus basalibus subaequilongis, tertio secundo breviore. Antennae nigrae, graciles, articulo primo crassiore, leviter curvato; secundo tertio circiter duplo longiore, tertio brevi; quarto tertio triplo fere longiore, primo subaequali. Pronotum capite longius, basi quam apice circiter duplo latius, longitudine vix angustius; lateribus late sinuatis, marginibus subtiliter crenulatis, angulis anticus extrorsum anterorsumque dentato-productis; granulis adspersis, lineis longitudinalibus denudatis nigris; impressione transversa laeviuscula, margine antico lateralí ante impressionem tuberculo conico instructo; prostethio spinis duabus anticus porrectis instructo. Scutellum apice distinete surgens. Femora nigra, obscure ferrugineo-variegata; tibiis nigris annulis duobus latis ferrugineis ornatis (posticae desunt). Hemelytra nigro-cinerea, membrana fusca, pallido variegata; vitta longa angusta clavi, macula parva corii apicali triangulari, maculaque magna areae discoidalis apice sinuata, area exteriore spatioque exteriore ad partem, fusco-nigro-sericeis. Ventre medio carinato (segmentis 1—5), segmento quinto apice medio plus quam tertia parte inciso, segmento sexto hoc duplo circiter longiore, basi medio depresso; dein transversim strigoso, apice rotundato producto. ♀ Long. 15 mm.

Congo (coll. Schouteden).

Argolis (Caunus) proxima sp. n.

Specimen unicum vidi, in Museo Bruxellense conservatum, hujus speciei (forsan ut varietas *Arg. Bergrothi* habenda?). Quod specimen, e Niam-Niam (Bohdorff) breviter hic describitur.

Corpus totum nigrum, opacum. Caput thoraxque ut apud *Arg. Bergrothi*, granulis autem multo distinctioribus, tuberculisque posticis capitidis sursum haud vergentibus; pronoto fere aequo lato basi ac longo. Scutellum apice horizontali. Hemelytra tota nigra. Femora fusco-picea, apice nigra (postica tota nigra); tibiae posticae totae rufescentes, basi et apice imis nigricantibus, tibiae anticae et mediae nigrae annulis duobus rufescentibus. Abdomen magis dilatatum quam apud *Arg. Bergrothi*, carina media obsoletiore, depressione basali segmento sexto latiore. ♀. Long.: 18 mm.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Wiener Entomologische Zeitung](#)

Jahr/Year: 1902

Band/Volume: [21](#)

Autor(en)/Author(s): Schouteden Henri

Artikel/Article: [Pentatomidae et Reduviidae novae africanae. 233-243](#)